



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

Inscrutabili illius &c. Assertio Juris Sanctæ Sedis Apostolicæ in Regnum
Siciliæ, Hierusalem & Terræ citra Pharum per investituram ejusdem regni
factam Carolo VI. Romanorum Imperatori à SS. D. N. D. ...

[urn:nbn:de:hbz:466:1-74859](#)

ANNO
1722.

INNOCENTIUS DECIMUS - TERTIUS.

467

ANNO

1722.

INNOCENTIUS XIII.

PONTIFEX CCXLVIII.

ANNO DOMINI MDCCXXI.

INNOCENTIUS XIII. Romanus, Michaël Angelus anteā dictus, Caroli de Comitibus Filius S. R. E. Presbyter Cardinalis Titulo SS. Quirici & Julitæ. Die 8. Maii 1721. Summus Pontifex Romæ est Pronunciatus & Die 18. coronatus. Creavit Cardinales tres, obiit Romæ 8. Martii 1724. Vacavit Sedes menses duos Dies 22.

Assertio Juris Sanctæ Sedis Apostolicæ in Regnum Siciliæ, Hierusalem & Terræ circa Pharum per investituram ejusdem regni factam Carolo VI. Romanorum Imperatori à SS. D. N. D. Innocentio Papa XIII.

INNOCENTIUS EPISCOPUS.

Servus Servorum Dei. Ad perpetuam rei memoriam.

Exordium à tuer-
dis Sedis
Apostolicæ
& Ecclesiæ
juribus.

I Nscrutabili illius, per quem Reges regnant, & legum conditores justa decernunt providentia, ad Supremi Apostolatus fastigium, meritissimè imparibus evenisti, sicuti Spiritualibus Domini Gregorii Nobis divinitus commissi utilitatisibus, atque incrementis promovendis, iugi studio, aspergide laboribus incumbere non definitimus, ita etiam oculos mentis Nostræ ad Temporalia Sanctæ Romanæ Ecclesiæ Sponsæ Nostræ ac Sedis Apostolicæ Jura sartatecta tuenda, & præsertim Regnorum, ac Dominiorum, quæ ad illam pertinent proprietatem, debitamque subjectionem conservandam convertere, usque more Romanorum Pontificum Prædecessorum nostrorum opportuna ratione confulere compellimur, prout in Domino expedire arbitramur.

Infundatio Regni Siciliæ, Hierusalem & terræ circa Pharum Ferdinando Aragonia Regi à Julio Papa II. facta.

§. 1. Dudum siquidem fel. rec. Julius Papa II. Prædecessor Noster Regnum Siciliæ, & Hierusalem, cum tota Terra quæ est circa Pharum, usque ad confinia Terrarum Sanctæ Romanae Ecclesiæ, Civitate Nostra, tunc sua Beneventana cum ejus Territorio, & pertinentiis dimittaxat excepta, ad jus & proprietatem eisdem Ecclesiæ pertinentia, & tunc ad ipsum Prædecessorem, & dictam Ecclesiæ devolutum, quovis modo, & ex quavis causa illud ad eisdem Ecclesiæ devolutum esset; aut alias ejus dispositio ad prædictum Prædecessorem pertineret, cum omnibus iuribus, & pertinentiis suis clar. mem. Ferdinando Aragonia, & utriusque Siciliæ, ac Hierusalem Regi pro se, usque in dicto Regno Aragonia Successoribus, & Hæredibus tam masculis quam feminis ex eo recta linea descendenteribus, certe tunc expresso modo natis, & nascituris, in Feudum perpetuum proannuo censu, & sub diversis conditionibus, modis, formis, adjectioni-

bus, permissionibus, clausulis, cautelis, voluntatibus, & ordinationibus, etiam tunc expressis, sine tamen præjudicio juris ipsi Ferdinando Regi alias in eodem Regno forsan competentis, cui tunc noluit derogari de fratum suorum consilio pariter, & assensu, & ex certa scientia, ac de Apostolicæ potestatis plenitudine concessit, & elargitus fuit, dictam Civitatem Beneventanam cum ejus Territorio, Districtu, & pertinentiis per ipsum Prædecessorem, seu Romanum Pontificem distinctis, seu distinguendis, cum eorum Incolis, prout illam sibi dudum antea præfata Ecclesia retinuerat, & reservaverat, sibi, & Sedis Apostolicæ specialiter reservando, prout in ipsius Prædecessoris desuper confessus Literis, in quibus idem Prædecessor inter alia voluit, quod dictus Ferdinandus Rex, & sui in d. Regno Siciliæ, cum Terra intra Pharum Hæredes, & Successores darent Prædecessori, & Ecclesiæ præfatis eorum Privilegium aurea Bulla bullatum, in quo proprio juramento faterentur, & recognoscerent expresse Regnum Siciliæ, & Hierusalem, & totam eorum Terram, quæ est circa Pharum usque ad confinia ejusdem Ecclesiæ, excepta Civitate Beneventana præfata cum Territorio, districtu, & pertinentiis suis ex sola gratia, & mera liberalitate Sedis, & Prædecessoris præfatorum sibi, usque Hæredibus, & Successoribus fuisse concessum, ac eos recepisse, & tenere Regnum Siciliæ, & Terram hujusmodi à Prædecessore, & Ecclesia prædictis, sub pactis, modis, & conditionibus tunc, ut præsertur, expressis, plenius continetur.

§. 2. Et deinde piæ mem. Leo Papa X. etiam Prædecessor Noster Regnum Siciliæ cum terra circa Pharum clar. mem. Carolo Romanorum Imperatori semper Augusto, tunc Romanorum, & Hispaniarum Regi Catholico, in Imperatorem electo, in Feudum eisdem modo, & forma, quibus per prædictum Julium Prædecessorem præfato Ferdinando Regi concessum fuerat, & sub prædictis, qua tunc per eamdem Sedem remissa non apparerent, & certis aliis tunc expressis conditionibus de novo concessit, & de eo etiam ipsum Carolum Imperatorem investivit; Et dictus Carolus Imperator per quondam Joannem Emanuelem aurei Velleris Equitem tunc in humanis agentem, & ipsius Caroli Imperatoris apud Leonem, & Sedem præfata Oratorem, & Procuratorem speciale promisit, & se, & omnes Regnum ipsum Siciliæ vigore illius concessionum, tam per Julium, quam per Leonem Prædecessores hujusmodi factarum pro tempore obtinentes obligavit ad inviolabilitatem observandum, & adimplendum omnia in Literis Julii Prædecessoria contenta, super quibus de dispensatione, aut illorum remissionē per eamdem Sedem non constaret, seu appareret, & solvendum singulis annis in perpetuum Cameræ Apostolicæ septem mille ducatos auri de Camera in Facto B. Petri, ultra solitum censum Parafreni albi pro recognitione veri, & directi Dominii ipsius Regni Siciliæ, & ad Leonis Prædecessoris, & Cameræ prædictorum requisitionem delinquentes in Terris eisdem Ecclesiæ mediatis vel immediatis subjectis ad dictum Regnum, & illius Civitates, Terras, & loca confugientes capi, & ad Urbem, vel alium locum remitti faciendum, sub pena in Literis Julii Prædecessoris hujusmodi contentis, dummodo idem Leo Prædecessor & Successores Sui Romanii Pontifices, ac præfata Camera ad ipsius Caroli imperatoris, & Officialium suorum requisitionem delinquentes in Terris, & locis dicti Regni ad Terras, & Loca Ecclesiæ confugien-

Facta Ca-
rolo V. Ro-
manorum
Imperatori
à Leone Pa-
pa X.

tes

1722,

es pariter ad eos remitterent, prout in Instrumento publico desuper consecro, & in certis ipsius Leonis Prædecessoris Literis de verbo ad verbum inserto plenus continetur.

¶ 3. Ac successivè rec. mem. Julius Papa III. Prædecessor etiam Noster prævia renunciatione dicti Caroli Romanorum Imperatoris semper Augusti dictum Regnum Siciliæ, & Hierusalem, cum tota Terra citra Pharam usque ad confinæ Romanæ Ecclesiæ, excepta Civitate Beneventana cum ejus Territorio, & Districtu, ut supra, inclytæ mem. Philippo II. tunc Angliae Regi, & Hispaniarum Principi, pro se, siisque Hæredibus, & Successoribus Aragonia Regibus tam masculis, quam feminis, ex eo recta linea descendantibus, natis, & nascitibus, ac aliis personis in concessionibus Julii, & Leonis comprehensis, & per eos vocatis in Feudum perpetuum pro solito anno censu septem mille ducatorum auri de Camera, & unius Parafreni albi solvendo, & sub conditionibus, modis, formis, affectionibus, promissionibus, clausulis, cautelis, voluntatibus, & ordinationibus in Literis Julii, & concessione Leonis Prædecessorum hujusmodi contentis, quæ per eamdem Sedem remissæ non apparerent, similiter concessit, & de eo ipsum Philippum Regem investivit; Et dictus Philippus Rex per quondam Ferdinandum Franciscum Avalos de Aquino Marchionem Piscariæ tunc in humanis agentem, & ipsius Philippi Regis apud Julium Prædecessorem, & Sedem prædictos Procuratores speciale, obedientiam, homagium, & juramentum fidelitatis confitum praestit, prout in ipsius Julii Prædecessoris Literis plenus continetur. Quæ omnia idem Philippus Rex successivè per Bullam suam auream sub datum Bruxellis anno Domini 1555. die prima Octobris manu sua subscriptam approbando & acceptando confessus fuit, & recognovit.

Philippe
III. Hispaniarum Regi à Clemente Papa VII.

¶ 4. Postea vero fel. rec. Clemens Papa VIII. Prædecessor Noster, eodem Philippo II. viam universæ carni ingreſſo, Regnum ipsum Siciliæ, & Hierusalem cum tota Terra prædicta citra Pharam usque ad confinæ Terrarum ejusdem Romanæ Ecclesiæ, excepta Civitate Beneventana cum ejus Territorio, districtu, & pertinentiis per se seu ejus, & Nostros Prædecessores Romanos Pontifices distinctis, ac eorum incolis, quam sibi, & eidem Ecclesiæ specialiter retinuit clar. mem. Philippo III. etiam Hispaniarum Regi Catholico pro se, siisque Hæredibus, & Successoribus Aragonia Regibus tam masculis, quam feminis ex eo recta linea descendantibus, natis, & nascitibus, ac aliis personis in concessionibus utriusque Julii, & Leonis, ac Clementis Prædecessorum hujusmodi comprehensis, & per eos vocatis in Feudum perpetuum pro solito anno censu septem mille ducatorum similium, & unius Parafreni albi solvendo ut supra, & sub conditionibus, modis, & formis, affectionibus, promissionibus, clausulis, cautelis, voluntatibus, & ordinationibus in Literis dictorum Julii II. & III. ac Clementis, quæ remissionem per Sedem Apostolicam factam fuisse non appareret; præstis tamen prius eidem Gregorio Prædecessori, & Sedi, & Ecclesiæ prædictis nomine ipsius Philippi IV. Regis per quondam Franciscum de la Cueva Duce de Alburquerque, apud eum, & Sedem præfata Oratorem, & Procuratorem ac mandatarium suum speciale & per eundem Gregorium admisssæ obedientiæ, atque homagio, & juramento fidelitatis, sub certa tunc expresa forma concessit, & elargitus fuit, ac Regnum hujusmodi præfato Philippo IV. Regimodo, & forma præmissis infundavit, prout in prædicti Gregorii XV. Prædecessoris sub plumbo sub datum Romæ apud Sanctum Petrum V. Kalendas Decembris 1621. Sui Pontificatus Anno Primo expeditis Literis plenus continetur. Quæ omnia idem Philippus IV. Rex successivè, per Bullam suam auream sub datum Matriti V. Novembris 1622. manu sua subscriptam approbando & ampliando confessus fuit, & recognovit.

¶ 5. Postremd verò dicto Philippo IV. Regis ab humanis exempto piæ mem. Alexander VII. Prædecessor itidem Noster præfatum Regnum Siciliæ, & Hierusalem cum tota Terra citra Pharam usque ad confinæ Terrarum ejusdem Ecclesiæ Romanæ, excepta prædicta Civitate Beneventana cum ejus Territorio, & districtu, & pertinentiis per se, seu Romanos Pontifices distinctis, una cum Terra Pontis Curvi, ejusque Territorio, quam sibi, & eidem Ecclesiæ specialiter reservavit cl. m. Carolo II. Hispaniarum Regi Catholico tunc in minori ætate constituto, pro se, siisque Hæredibus, & Successoribus Aragonia Regibus tam masculis quam feminis ex eo recta linea descendantibus natis, & nascitibus, ac aliis personis in concessionibus utriusque Julii, & Leonis, Clementis, ac Gregorii Prædecessorum hujusmodi comprehensis, & per eos vocatis, in Feudum perpetuum pro solito anno censu septem mille ducatorum similium, & unius Parafreni albi, ut præfertur, solvendo, & sub conditionibus, modis, & formis, affectionibus, promissionibus, clausulis, cautelis, & ordinationibus in Literis

utrius.

Philippe
IV. Hispaniarum Regi à Gregorio Papa XV.

Carolo II.
Hispaniarum Regi in minoribus constituto ab Alexandro Papa VII.

utriusque Julii, Clementis, ac Gregorii, & concessione Leonis Prædecessorum hujusmodi contentis, quarum remissione per Sedem prefatam factam fuisse non apparet, concepsit, & elargitus fuit, ac Regnum ipsum eidem Carolo Regi infervavit, eumque de illo investivit; Et dictus Carolus Rex mediante cl. m. Marianna ab Austria Regina Hispaniarum ejus matre Tetrica, atque Gubernatrix per B. M. Fridericum, dum viveret, Tituli Sancti Petri ad vincula Cardinalem Sforziam Procuratorem & mandatarium suum specialem eidem Alexandro Præcessori, ac Sedi, & Ecclesiæ prædictis obedientiam, homagium, & iuramentum fidelitatis præstít, prout in ipsius Alexandri Præcessoris Literis pariter sub plombo apud Sanctam Mariam Majorem anno Incarnationis Domini 1666. 13. Kalendas Junii Pontificatus sui Anno XII. emanatis uberiori continetur. Quæ omnia idem Carolus II. Rex postmodum tam per Suam Bullam auream sub datum Matriti 29. Martii 1667. à memorata Marianna Regina ejus Matre, Tetrica, ac Gubernatrix sub scriptam, quam p.r. aliam similem Bullam sub datum pariter Matriti 7. Aprilis 1676. propria ipsius Caroli Regis interim majoris ac sui juris effecti manu signata approbando, & ampliando confessos fuit, & recognovit.

Clemens
Papa XI. Ca-
rolo II. fin-
liberis de-
fundendo ejus-
modi inves-
titura super-
ficit.

J. 7. Cum autem, sicut Deo placuit, jam tum ab anno millesimo septingentesimo dicto Carolo II. Rege sine liberis ex vivis crepto, Europa ferme tota inde in partes divisa diuturno bello conflagraverit, ac felicis recordationis Clemens Papa XI. Præcessor etiam Noster iustis, & gravissimis causis adductus, infundatione, atque investitura dicti Regni Siciliæ, & Hierusalem cum tota terra citra Pharam concedenda, tametsi plures oblati etiam censu prefato ad id requisitus fuisset inter saevientis belli ejusmodi motus supersedendum esse duxerit, salvis tamen, & illæsis remanentibus juribus sibi, & dictæ Sedi super eodem Regno competentibus, quæ per plura Chirographa propria ejus manu signata, in quibus itidem cautum fuit tempus, & tempora non currere, luculentiter præservavit, prout etiam Nos per simile Chirographum anno superiore præservavimus.

J. 8. Nunc verò Charissimus in Christo Filius Noster Carolus VI. Hispaniarum Catholicus, & Romanorum Rex in Imperatorem electus, qui in dicto Regno Siciliæ, & Hierusalem, ac tota Terra citra Pharam successit, & illud de præfati possedit, volens debitam obedientiam, ac fidelitatem, & homagii iuramentum in manibus Nostris præstare, & ea, quæ ratione ipsius Feudi tenetur, adimplere, Dilectum Filium Nostrum Michaëlum Fridericum Tituli Sanctæ Sabinae Cardinalem de Althaun Procuratorem, & mandatarium suum specialem fecerit, constituerit, & deputaverit specialiter, & expresse ad se nomine prædicti Caroli VI. Regis, quoties opus fuerit, coram Nobis humiliter, & cum omni reverentia præsentandum, ac à Nobis Investituram Regni hujusmodi petendam, canique acceptandam, necnon Nobis nomine ejusdem Caroli Regis pro præfato Regno Siciliæ, & Hierusalem cum tota Terra citra Pharam debitam obedientiam exhiben. ac etiam fidelitatem, & homagii iuramentum ratione Feudi dicti Regni præstandum, quod requisitum necessarium, & opportunitum foret ex ipsius Feudi natura, & quemadmodum illud præstitum fuerat à Carolo II. Rege arque ab aliis Præcessoribus suis in eodem Regno sollicum fuerat præstari; & dictus Michaël Fridericus Cardinalis de Althaun Pro-

cator, in vnu Constitutionis, & Deputatis hujusmodi, ad præmissa omnia, & singula nomine prædicti Caroli Regis peragenda, & exequenda eoram Nobis humiliiter, & cum omni reverentia sub die 17. mensis Maii proxime præteriti se præsentavit, & in Generali Venerabilium Fratrum Nostrorum Sanctæ Romanae Ecclesiæ Cardinalium Congregatione sub hac die Martis IX. mensis Junii præsentis anni, quæ eoram Nobis in Palatio Nostro Apostolico Montis Quirinalis ad hoc specialiter convocata, & habita fuit cum pluribus Archiepiscopis, Episcopis, aliquo Prælati ibi assistentibus, nomine ipsius Caroli Regis Nobis, & Sedi Apostolica ac Romana Ecclesiæ prædictis obedientiam, atque homagium, & iuramentum fidelitatis sub forma inferius adnotata præsterit.

J. 9. Nos considerantes ipsius Caroli Regis hereditarian regnandi consuetudinem, & quod scit, & volet commissos sibi Populos in pacis imponere, & Justitiae cultu confovere, ac Nos & Romanam Ecclesiam ipsius Regni Proprietarios, ac directos Dominos grata devotione, fide sincera recognoscere; Nec diutius volentes à concessione investitura, & infundationis prefata, ac directi Domini Nostri usu, & exercitio abstinere sed potius novis, ac justissimis ex causis ita suadentibus, præsentique rerum, & temporum sttu accurate perpenso, Romanorum Pontificum Præcessorum Nostrorum vestigii inhaerendo, Nostra, & ejusdem Sanctæ Sedis Jura, per novam concessionem hujusmodi asserer, & conservare intendentes, habita super his cum eisdem Venerabilibus Fratribus Nostris Sanctæ Romanae Ecclesiæ Cardinalibus prius in eodem Consistorio, & deinde etiam in alia simili Congregatione Generali ad hoc nominatum habita sub die sabbathi sexta ejusdem præsentis mensis Junii in eodem Palatio Nostro, ibique mandato Procurations ipsius Caroli Regis in Imperatorem electi publicè, & alta voce perleto, & diligenter inspecto, deliberatione matura de ipsisfratrum consilio pariter, & assensu, & ex certa Nostra scientia, & de Apostolica Potestatis plenitudine, In Nominis Patris & Fili & Spiritus Sancti Obedientiam ab eodem Cardinale de Althaun Procuratore, nomine ipsius Caroli Regis Nobis, & Sedi, & Camerae prædictis, ut præmittitur, præstam, itemque homagium & iuramentum fidelitatis hujusmodi lato, atque hilari animo admittimus, ac Regnum ipsum Siciliæ, & Hierusalem cum tota terra predicta citra Pharam usque ad confinia Terrarum ejusdem Ecclesie Romanae, excepta prædicta Civitate Beneventana cum ejus Territorio, & districtu, & pertinentiis per Nos seu Romanos Pontifices distinctis, ac eorum Incolis, quam Nobis, prout illam sibi dudum prædicta Ecclesia specialiter reservamus, eidem Carolo Hispaniarum Catholicorum, & Romanorum Regi in Imperatorem electo cui per Nostras in forma Brevis pridie expeditas Literas concessimus, ut dictum Regnum Siciliæ, & Hierusalem, ac totam Terram citra Pharam una cum Imperio & Romanorum seu Theutonice Regno quoad vixerit, retinere libere, & licet possit, & valeat tametsi in utriusque Julii, Leonis, Clementis, Gregorii & Alexandri prædictorum, & ante eos diversorum aliorum Romanorum Pontificum Præcessorum Nostrorum Literis id expresse, & distictè prohibetur, pro se, siveque Hæredibus, & Successoribus tam masculis, quam feminis ex erecta linea descendenteribus, natis, & nascitu,

Quæ à San-
ctitate sua
sub certis
modo, for-
ma & condi-
tionibus ei
conceditur.

ris, servata inter ipsos descendentes prærogativa sexus, ita quod masculi ex masculis omnibus feminis eorumque descendantibus maribus, & feminis, cuiuscunq; linea sunt, aut gradus semper præferantur, & inter ipsos masculos primogenitura ratio & linea prærogativa prævaleat & observetur, qua prærogativa locum quoque habeat, & prævaleat inter dictas feminas, eorumque Descendentis in easu deficiens omnium descendantium masculorum ex masculis in Feudum perpetuum pro solito anno centu septem mille ducatorum similium & unius Parafreni Albi, ut præfertur solvendo, & cæteroquin in omnibus & per omnia sub conditionibus, modis, formis, adjectiōibus, præmissionibus, clausulis, cautelis, voluntatibus & ordinationibus in Literis utriusque Juli, Clementis, Gregorii, ac Alexandri, & concessionē Leonis Prædecessorum hujusmodi contentis, quarum remissionem per Nos & Sedem prædictam factam fuisse non apparebit omni meliori, quo possumus, modo concedimus, & elatimur, ac regnum ipsum dicto Carolo Regi modo, & forma præmissis infundamus, cumque de illo per ipsius Michaëlis Friderici Cardinalis Procuratoris ad osculum pedum nostrorum admissionem investimus: Volentes, & intendentes, ut infra annum à data præsentium computandum, idem Carolus Rex Privilegium suum Bulla aurea bullatum in quo proprio juramento faciat, & recognoscat expreſſe Regnum Siciliæ, & Hierusalem, ac totam Terram eorum qua est citra Pharam usque ad confinia Terrarum ipsius Ecclesie Romanae, exceptis Civitate Beneventana, & loco Pontis Curvi, cum illius Territorii, districtibus, & pertinentiis, qua eidem Ecclesia remaneant præfato Carolo Regi, suisque Hæreditibus, & Successoribus dicti Regni Siciliae Regibus ex sola gratia, & meta liberalitate Sedis Apostolicae, & Nostra fuisse concessa, eosque recepisse, & tenere Regnum Siciliæ, & Terram hujusmodi à Nobis & dicta Romana Ecclesia sub pæctis, modis & conditionibus supradictis Nobis seu Romano Pontifici pro tempore existenti dare, & tradere teneatur. Per præmissa autem non intendimus Juribus quibuscumque in aliquo præjudicare.

S. 10. Demum ut idem Carolus Rex in Imperatorem Electus eo magis ad sincera illius, quam in Nos, & hanc Sanctam Sedem profiteretur devotionis, & observantiae debita argumenta Nobis, & eidem Sedi exhibenda excitat, quod Nos & Romanam Ecclesiam in eum propiniores, & munificentiores invenerit, scientia & potestatis plenitudine paribus ipsi Carolo Regi omnes & singulos census ratione supradicti Regni haec tenus decursos, & non solitos ex speciali dono gratia liberaliter remittimus & condonamus, ipsumque de illis absolvimus, quietamus, & plenaria liberamus, & ex causa dictorum censuum hucusque decursum a quo cumque nullatenus molestari posse decernimus, dummodo tamen in proximo Festo Sancti Petri, & sic successivè perpetuis futuris temporibus singulis annis ipse Carolus Rex, ejusque Hæredes, & Successores præfatum censem Nobis, & Successoribus Nostris cum solis solemnitatibus integrè persolvere omnino debeat.

S. 11. Forma autem Juramenti per dictum Cardinalem præfati, talis est. Ego Michael Fridericus Cardinalis de Althaun Serenissimi Domini Caroli Hispaniarum Catholicorum & Romanorum Regis in Imperatorem Electi, Dei gratia Regis Siciliae, & Hierusalem cum tota Terra citra Pharam Procurator ad hæc omnia specialiter constitutus speciali modo per dictum Carolum Regem

sub die X. mensis Augusti Anni proxime clausorum Archiepiscopo Valentino, Comite Philippo de Sizendorf & Marchione de Roftano ipsius consiliariis, ac respective Secretariis subscripto, plenum homagium, Ligium, & Vassallagium nomine dicti Caroli Regis faciendum vobis Sanctissimo Domino Nostro Innocentio XIII. & Ecclesiæ Romanae pro Regno Siciliae, & Hierusalem, ac tota Terra, qua est citra Pharam, usque ad confinia Terrarum ipsius Ecclesiæ excepta Civitate Beneventana, & toto Territorio, & omnibus districtibus, & pertinentiis secundum antiques fines Territorii, & pertinentiis & districtis Civitatis ejusdem per Romanum Pontificem distinctos, & imposturum distinguendos, in animam dicti Serenissimi Caroli Regis principalis mei, juro, quod idem Serenissimus D. Carolus ab hac hora in ante fidelic, & obediens erit Beato Petro, & vobis Domino Innocentio XIII. vestrisque Successoribus Romanis Pontificibus canonice intrantibus, sancteque Romanæ Ecclesiæ Apostolicae. Non erit in consilio, consensu, vel facto, ut vitam perdat, seu perdant, aut membrum, seu capiamini, vel capiantur mala captione, consilium vero quod sibi credituri estis per vos, aut Nuncios vestros, vel per Litteras, ad vestrum, vel eorum damnum scienter nemini pandet, & si sciverit fieri, vel tractari seu procurari aliquid quod in vestrum vel eorum damnum cedat, illud pro posse impedit, & si hoc impidere non poterit, illud vobis, vel eis significare curabit. Papatum Romanum, & Regalia Sancti Petri tam in Regno Siciliae prædicto, quam alibi consistentia adiutor vobis, vel eis erit ad defendendum, vel retinendum ac recuperandum & recuperata manutendum contra omnem hominem. Vestras & singulas conditions supradictas, & quascumque alias in Literis fel. record. Julii Papæ II, super ipsum Regni & Terrarum infederatione, sive investitura confectis contentas, ac omnia, & singula, qua in eis continentur, plenaria adimplibit, & inviolabiliter obserbat, & nullo unquam tempore venier contra ea, nec procurabit per se, vel alium, seu alios quoquomodo ut asumatur, vel nominetur in Dominum Lombardia, seu Thuscia, excepto tamen, quod Regnum Siciliae, & Hierusalem cum tota Terra citra Pharam una cum Imperio, & Regno Romanorum seu Theotonie, quoad vixerit, retinere possit iuxta concessionem, quam à Vobis desuper obtinuit, & si assumptionem, vel nominationem ad dominium Lombardia, & Thuscia, aut majoris partis earumdem fieri contingat, nullum hujusmodi assumptioni, seu nominationi assensum præstabat, nec intronet se modo aliquo de eorum, vel alius eorum regimine, nec de Civitate Beneventana, & suis Territorii, Districtibus, & pertinentiis, seu Campania, neque de Marittima, Ducatu Spoleto, neque Marchia Anconitana, Patrimonio Beati Petri, & Thuscia, Massa, Trebaria, Romandiola, Alma Urbe, in Civitatibus Perufina, Civitatibus Castelli, Bononiensi, Ferrarensi, Avenionensi, & Comitatu Vanaissino, seu aliis Terris quibuscumque Vesfris, & Feudis ipsius Ecclesiæ ubilibet constitutis ex successione, vel Legato, seu donatione aut venditione, seu alio quovis titulo, vel contractu nihil unquam sibi acquiret, seu vindicabit, vel poterit acquirere seu quomodolibet vindicare, & nihil unquam recipiet, vel habebit, seu retinebit, vel poterit recipere, habere, vel etiam retinere in illis, nec ullam Potestariam, Capitaniam, vel Rectoriam, nullumque aliud Officium recipiet, seu recipere poterit in eisdem, seu ipsorum aliquo, nec etiam occupabit, vel occupari permitteat seu faciet præmissa vel par-

tem

Gratiosa
censum su
prædicti regi
ni ratione
haec tenus
non soluto
rum remis
sio.

Formula ju
ramenti ab
Imperatoris
Mandatario
præfati.

tem aliquam eorumdem, neque illam offendet, aut molestabit, neque etiam Romanam Ecclesiam quoquomodo sub censuris penitentia spiritualibus, & temporalibus in conditionibus, & infeudatione praefatis contentis, quas hic haberi volo in singulis suis partibus alias pro specificè expressis, & repetitis. Schismatico, aut Hæretico cuicunque, vel à Fide devio, ab ipso Ecclesia præciso, ejusque sequacibus, & dantibus eis auxilium, consilium, vel favorem, non dabit quovis modo per se, vel alium seu alios directè, vel indirectè, publicè vel occultè auxilium, consilium, vel favorem, nec ab aliis quantum in eo erit, si impedire poterit dari permittet, sed eos juxta post suum donec convertantur perficeret, & impugnabit. Et ulterius promitto, quod ipse Carolus Rex infra annum, omnia, & singula mediante aurea Bulla ratificabit, sic dictum Carolum Regem Deus adjuvet, & hæc Sancta Dei Evangelia. Juravi ut suprà Ego Michael Fridericus Cardinalis de Althaun.


Sanctio poenitentia-

S. 12. Nulli ergo omnino hominum liceat hanc paginam Nostræ reservationis, admissionis, concessionis, elargitionis, infeudationis, investituræ, voluntatis, vel intentionis infringere, vel ei au-
tu temerario contraire, si quis autem hoc atten-
tare præsumperit, indignationem Omnipotentis
Dei, ac Beatorum Petri, & Pauli Apostolorum
ejus se noverit incursum.

D. 9. Junii
1722. P. A.
secundo.

Datum Romæ apud Sanctam M. Majorem Anno Incarnationis Dominicæ millefimo septingentesimo Vigesimo Secundo quinto Idus Junii Pon-
tificatus Nostri Anno Secundo.

* Ego INNOCENTIUS Catho-
licæ Ecclesiæ Episcopus.



- † Ego Joannes Episcopus Tusculanus Cardinalis Judice.
- † Ego Joannes Episcopus Albanensis Card. Paulinus.
- † Ego Joannes Episcopus Praenestinus Card. Barberinus.
- † G. Cardinalis Marescottus.
- † Ego Joseph Tituli S. Praxedis Presb. Card. Sacripantes.
- † Ego Laurentius Tit. S. Petri ad vincula Presb. Card. Corsinus.
- † Ego Ph. A. Tit. S. Chrysogoni Presb. Card. Gualterius.
- † Ego Joseph Tituli S. Mariæ Angelorum Card. Vallermanus.
- † Ego C. A. Tituli S. Augustini Presb. Card. Fabronius.
- † Ego Antonius Felix Tit. S. Balbinæ Presb. Card. Zondelarius.

Bullar. Rom. Continuar. Pars II.

- † Ego Petrus Tit. S. Joannis ante Portam Latinam Presb. Card. Corradinus.
- † Ego Joannes Baptista Tituli Sancti Stephani in monte Cælio Presb. Card. Tolomeus.
- † Ego B. Tit. S. Petri in monte Aureo Presb. Card. Scottus.
- † Ego Nicolaus Tit. S. Sixti Presb. Card. Spinula.
- † Ego Georgius J. Sanctæ Agnetis Presb. Card. Spinula. Card. Sanctæ Agnetis nuncupatus.
- † Ego Josephus Tit. S. Sylviæ Card. Percyra de la Cerdra.
- † Ego Michael Fridericus Tit. S. Sabinae Presb. Card. ab Althaun.
- † Ego J. B. Tit. S. Priscae Presb. Card. Salernus,
- † Ego Albarus J. Sancti Bartholomei in Insula Presb. Card. Cienfuegos.
- † Ego B. M. J. Sancti Bernardi ad Thermas Presb. Card. de Comitibus Major Penitentiariorum.
- † Ego B. Sanctæ M. in via lata Diaconus Card. Pamphilii.
- † Ego Petrus S. Laurentii in Damaso Diaconus Card. Ottobonus S. R. E. Vice-Cancellarius.
- † Ego J. R. S. Georgii in Velabro Diaconus Card. Imperialis.
- † Ego L. S. Agathæ in montes Diac. Card. de Alterius.
- † Ego Annibal S. M. in Cosmedin Diac. Card. Albanus S. R. E. Camerarius.
- † Ego Curtius S. Eustachii Diac. Card. Originus.
- † Ego Fabius SS. Viti & Molesti D. Card. Oliverius.
- † Ego Alexander S. Adriani Diac. Card. Albanus Card. Alexander nuncupatus.

*P. Card. Prodatarius.**P. Card. Oliverius.*

Vita de Curia J. G. Archiepiscopus Amasenus

L. Martinettus.

Die Luna 15. Junii 1722. supra scripta Litteræ Apostolica in plena Camera Apostolica exhibite, & presentata fuerunt, illaque Illustrissimo & Reverendissimo Domino Guidoni de Palacio ejusdem Camerae Apostolica Clerico commissari sum facultate admittendi, deinde vero sub die 26. ejusdem Mensis, citato de super Illustrissimo & Reverendissimo Domino Joanne Carolo Planca stello dictæ Camerae Commissario Generali ex decreto ipsius Camerae idem Illustrissimus & Reverendissimus D. de Palacio C. A. Clericus & Jux-
dex depatus admisit, & registrari mandavit, & registratae fuerunt in libro signatarum Santissimi sub fol. 45.

Dominicus Antonius Galosius R. C. A.
Secretarius.